

OFFICIUM  
IN FESTO TRANSLATIONIS  
ALMÆ DOMUS  
B. Mariæ VIRGINIS.  
DUPLIX.

## AD VESPERAS.

*Añã.* Domum tuam, & c.  
*cum reliq. de Laud. ut infrã.*

*Pfal.* Dixit Dñs. *cum reliq. ut  
in Offic. Parv. B. M. V.*

*Capitul. Eccl. 24.*

**I**N omnibus requiem quaesi-  
vi, & in hæreditate Domi-  
ni morabor. Tunc præcepit,  
& dixit mihi Creator om-  
nium: & qui creavit me, re-  
quievit in tabernaculo meo.

*Hym.* Ave maris stella, *prout  
in Offic. Parv. B. M. V.*

*v.* Hæc est Domus Domini  
firmiter ædificata.

*R.* Benè fundata est supra  
firmam petram.

*Ad Magnificat.*

*Añã.* Sanctificavit Dominus  
tabernaculum suum: quia hæc  
est Domus Dei, in qua invo-  
cabitur nomen ejus, de quo  
scriptum est: Et erit nomen  
meum ibi, dicit Dñs.

## ORATIO.

**D**Eus, qui B. Mariæ Vir-  
ginis Domum per in-  
carnati Verbi Mysterium mi-  
sericorditer consecrasti, eam-  
que in sinu Ecclesiæ tuæ mira-  
biliter collocasti: concede, ut  
segregati à tabernaculis pec-  
catorum, digni efficiamur hæ-  
bitatores Domus sanctæ tuæ.  
Per eundem Dñm. nostrum,  
AD MATUTINUM.

*Invitatorium.*

Salvatorem mundi in Domo  
Virginis de Spiritu Sancto cõ-  
ceptum.\* Venite adoremus.

*Pf.* Venite exultemus.

*Hym.* Cælestis Urbs Jerusa-  
lem, *prout in Fest. Dedic. Eccl.*

IN I. NOCTURNO.

*Añã.* Elevata est magnifi-  
centia tua super caelos.

*Pfal.* Domine Dñs. noster,  
*cum reliq. prout in Offic. Parva  
B. M. V.*

*Añã.* In sole posuit taberna-  
culum suum, & ipse tanquam  
Sponsum procedens de thala-  
mo suo, \* *Añã.*

*Ana.* Quis ascendet in montem Domini? Aut quis stabit in loco sancto ejus? Innocens manibus, & mudo corde. *ψ.* Domum tuam Domine decet sanctitudo. *℞.* In longitudinem dierum. Pater noster.

*Absol.* Exaudi Domine. *ψ.* Jube domne benedicere.

*Bño.* Benedictione perpetuâ.

De libro tertio Regum.

*Lectio 1. Cap. 8.*

**S**Terit autem Salomon ante altare Domini in conspectu Ecclesiæ Israel, & expandit manus suas in cælum, & ait: Ergone putandum est quod vere Deus habitet super terram? Si enim cælum, & cæli cælorum te capere non possunt, quanto magis Domus hæc, quam ædificavi? Sed respice ad orationem servi tui, & ad preces ejus, Domine Deus meus: audi hymnum, & orationem, quam servus tuus orat coram te hodie: ut sint oculi tui aperti super Domum hanc nocte, ac die super Domum, de quâ dixisti: Erit nomen meum ibi: ut exaudias deprecationem servi tui, & populi tui Israel, quodcumq; oraverint in loco isto: & exaudies in loco habitaculi tui in cælo, & cum exaudieris, propitius eris.

*℞.* Vidi speciosam sicut colubam ascendentem desuper rivus aquarum; cujus inæstima-

bilis odor erat nimis in vestimentis ejus. \* Et sicut dies verni circumdabant eam flores rosarum, & lilia convallium.

*ψ.* Quæ est ista, quæ ascendit per desertum sicut virgula fumii, ex aromatibus myrrhæ, & thuris. Et.

*Lectio ii.*

**S**I fugerit populus tuus Israel inimicos suos (quia peccaturus est tibi) & agentes pœnitentiam, & confitentes nomini tuo venerint, & oraverint, & deprecati te fuerint in Domo hac: exaudi in cælo, & dimitte peccatum populi tui Israel, & reduces eos in terram quam dedisti patribus eorum. Si clausum fuerit cælum, & non pluerit propter peccata eorum, & orantes in loco isto, pœnitentiam egerint nomini tuo, & a peccatis suis conversi fuerint propter afflictionem suam: exaudi eos in cælo, & dimitte peccata servorum tuorum, & populi tui Israel: & ostende eis viam bonam, per quam ambulent, & da pluviam super terram tuam, quam dedisti populo tuo in possessionem.

*℞.* Quæ est ista, quæ ascendit sicut aurora conflurgens, & pulchra ut luna, electa ut sol: \* Terribilis ut castrorum acies ordinata? *ψ.* Filia Sion tota formosa, & suavis es, pulchra

chra ut luna, electa ut sol. Terribilis. *Lectio iii.*

**S**I quis cognoverit plagam cordis tui, & expanderet manus suas in Domo hac, tu exaudies in celo in loco habitationis tuæ, & repropitiaberis, & facies ut des unicuique secundum omnes vias suas, sicut videris cor ejus (quia tu nosti solus cor omnium filiorum hominum) ut timeant te cunctis diebus, quibus vivunt super faciem terræ, quam dedisti patribus nostris. Insuper, & alienigena, qui non est de populo tuo Israel, cum venerit de terrâ longinquâ propter nomen tuum (audietar enim nomen tuum magnum, & manus tua fortis, & brachium tuum extentum ubique) cum venerit ergo, & oraverit in hoc loco, tu exaudies in celo, in firmamento habitaculi tui, & facies omnia, pro quibus invocaverit te. Alienigena, ut discant universi populi terrarum nomen tuum timere, sicut populus tuus Israel, & probent, quia nomen tuum invocatum est super domum hanc. *Ps.* Quæ est ista, quæ processit sicut sol, & formosa tanquam Jerusalem? \* Viderunt eam filia Sion, & beatam dixerunt, & reginæ laudaverunt eam. *Ps.* Et sicut dies verni circumdabant eam flores rosarum, &

lilia convallium. Viderunt, Gloria Patri. Viderunt.

**IN II. NOCTURNO.**

*Ana.* Diffusa est gratia in laeibus tuis, propterea benedixit te Deus in æternum, & in sæculum sæculi.

*Ana.* Sanctificavit tabernaculum suum Altissimus.

*Ana.* Homo natus est in eâ, & ipse fundavit eam Altissimus. *Ps.* Dñe. dilexi decorem domus tuæ *Ps.* Et locum habitationis gloriæ tuæ. Pater noster.

*Absol.* Ipsius pietas. *Ps.* Jube domne. *Bened.* Deus Pater omnipotens.

**Sermo S. Bernardi Abbatis**

*Serm. 52. de divers.*

*Lectio iv.*

**S**apientia, quæ Dei erat, & Deus erat, de sinu Patris ad nos veniens ædificavit sibi Domum, ipsam scilicet Matrem suam Virginem Mariam, in quâ septem columnas excidit. Quid est in eâ septem columnas excidere, nisi ipsam dignum sibi habitaculum fide, & operibus præparare? Nimirum ternarius numerus ad fidem propter sanctam Trinitatem, quaternarius pertinet ad mores propter quatuor principales virtutes. Quod autem in B. Maria S. Trinitas fuerit, fuerit dico per præsentiam majestatis, ubi solus Filius erat per susceptionem humanitatis, te-

statutur Nuntius cælestis, qui ei arcana mysteria referans, ait: Ave gratiâ plena, Dominus tecum; & post pauca: Spiritu Sanctus superveniet in te, & virtus Altissimi obumbrabit tibi. Ecce habes Dominum, habes virtutem Altissimi, habes Spiritum Sanctum, habes Patrem, Filium, & Spiritum Sanctum.

℞. O quàm metuendus est locus iste! \* Verè non est hic aliud, nisi Domus Dei, & porta cæli. †. Hæc est Domus Domini firmiter ædificata, benè fundata est supra firmam petram. Vere.

*Lectio v.*

**U**trum autem & quatuor principales virtutes, tanquam quatuor columnas confederit, inquisitione dignum videtur. Primum ergo videamus, an fortitudinem haberit, quæ nimirum virtus quomodo illi abesse potuit, quæ abjectis sæcularibus pompis, spretisque voluptatibus carnis, soli Deo in virginitate vivere proposuit: Ni fallor hæc Virgo est, quæ apud Salomonem legitur, Mulierem fortem quis inveniet? Procul & de ultimis finibus pretium ejus. Porro, quod temperans, & justa fuerit, ex Angeli colloquutione, & sui ipsius responsione, luce clarius comprobamus. Salutata quippe tam venerabiliter ab

Angelo: Ave gratiâ plena, Dominus tecum; non se extulit, quasi quæ ex singulari gratiæ privilegio benedicetur, sed siluit, & qualis esset insolita hæc salutatio secum cogitavit. Qua in re, quid, nisi temperans fuit? At verò, cùm de cælestibus mysteriis ab eodem Angelo doceretur, diligenter quæsit, quomodo conceperet, & pareret, quæ virum utique nõ cognosceret; & in hoc sine dubio prudens extitit.

℞. Fundata est domus Domini supra verticem montium, & exalata est super omnes colles. \* Et venient ad eam omnes gentes, & dicent: Gloria tibi Dñe. †. Venientes autem venient cum exultatione, portantes manipulos suos. Et venient ad eam.

*Lectio vi.*

**J**ustitiæ autem præsertim insigne, ubi se ancillam Domini confiteretur, nam quod justorum fit confessio, testatur qui ait: verumtamen justifitebuntur nomini tuo. Fuit igitur B. Virgo Maria fortis in proposito, temperans in silentio, prudens in interrogatione, justa in confessione. His itaque quatuor morum columnis, & tribus fidei prædictis extruxit in ea sibi Domum Sapiëntiæ cælestis, quæ ad eam mentem ejus replevit, ut de plenitudine mentis sæcundaretur & ca-

ro. Ipsius autem virginis natalis Domus divinis mysteriis consecrata, Angelorum ministerio ab infidelium potestate, in Dalmatiam prius, deinde in Agrum Lauretanum Picenae Provinciae translata fuit, sedente Sancto Caestino quinto: eandemque ipsam esse, in qua Verbum caro factum est, & habitavit in nobis, tum Pontificiis diplomatis, & celeberrimam totius Orbis veneratione, tum continuam miraculorum virtute, & caelestium beneficiorum gratiam comprobatur. Quibus permotus Innocentius Duodecimus, quo ferventius erga Matris amantissimam cultum Fidelium memoria excitaretur, ejusdem S. Domus Translationem anniversariam solemnitate in tota Piceni Provincia veneratam, Missam etiam, & Officio proprio celebrare praecipit.

*R.* Domus mea, Domus orationis vocabitur, dicit Dominus: in ea omnis qui petit, accipit; & qui quaerit, invenit: \* Et pulsanti aperietur. *V.* Petite, & accipietis: quaerite, & invenietis. Et. Gloria Patri. Et.

**IN III. NOCTURNO.**  
*Añs.* Tollite hostias, & introite in atria ejus, adorate Dominum in aula sancta ejus.  
*Añs.* Viderunt omnes populi gloriam ejus.  
*Añs.* Cantate Domino can-

ticum novum, quia mirabilia fecit Dominus, alleluja.

*V.* Domum tuam Domine decet sanctitudo. *R.* In longitudinem dierum. Pater noster.

*Absol.* A vinculis. *V.* Jube domne benedicere.  
*Bened.* Evangelica lectio.

Lect. S. Evang. secundum Luc.  
*Lectio vii.* Cap. i. 26.

**I**n illo tempore: Missus est Angelus Gabriel a Deo in civitatem Galileae, cui nomen Nazareth, ad virginem desponsatam viro, cui nomen erat Joseph, de domo David, & nomen Virginis Maria. Et reliq. Homil. S. Bernardi Abbat.

*Ex Homil. i. super Missus est.*

**Q**uae est haec Virgo tam venerabilis, ut saluetur ab Angelo, tam humilis, ut desponsata sit Fabro? Pulchra permixtio virginitatis, & humilitatis, nec mediocriter placeat Deo illa anima, in qua & humilitas commendat virginitatem, & virginitas exornat humilitatem: sed quantam putas veneratione digna est, in qua humilitatem exaltat fecunditas, & partus consecrat virginitatem? Audis virginem audis humilem? Laudabilis virtus virginitas, sed magis necessaria humilitas? Illa consuevit, ista praecipitur.

*R.* Diffusa est gratia in labiis tuis. \* Propterea benedixit te Deus in aeternum. *V.* Myrrha, &

& gutta, & casia à vestimentis tuis, à domibus eburneis, ex quibus te delectaverunt filiae Regum in honore tuo.

*Lectio viii.*

*Ex Hom. 2. super eodem loco.*

**M**issus est, inquit, Angelus ad Virginem, virginem carne, virginem mente, virginem professione, virginem denique, qualem describit Apostolus mente, & corpore sanctam, nec noviter, nec fortuito inventam, sed à saeculo electam, ab Altissimo præcognitam, & sibi præparatam, ab Angelis servatam, à Patribus præfiguratam, à Prophetis promissam; ut pauca loquat de pluribus, quam sibi aliam prædixisset Deus videtur, quando ad serpentem ait: Inimicitias ponam inter te, & mulierem? Etsi adhuc dubitas, an de Mariâ dixerit, audi quod sequitur: Ipsa conteret caput tuum: cui hæc servata victoria est, nisi Mariæ?

v. Beata es virgo Maria, Dei Genitrix, quæ credidisti Domino, perfecta sunt in te quæ dicta sunt tibi: ecce exaltata es super choros Angelorum. \* Intercede pro nobis ad Dominum Deum nostrum. Ave Maria, gratia plena: Dominus tecum. Intercede. Gloria Patri. Intercede.

*Lectio ix.*

*Ex Hom. 3. super eodem loco.*

**E**T ingressus Angelus ad eam, dixit: Ave gratia plena, Dominus tecum. Quod ingressus ad eam? Puto in sacrarium pudici Cubiculi, ubi illa fortassis clauso super se ostio orabat Patrem in abscondito. Solent Angeli adstare orantibus, & delectari in his, quos vident levare puras manus in oratione. Holocaustum sanctæ devotionis gaudent se offerre Deo in odorem suavitatis. Mariæ autem orationes quantum placuerint in conspectu Altissimi Angelus indicavit, qui ingressus ad eam tam reverenter salutavit.

Te Deum laudamus.

AD LAUDES,

*& per horas. Añã.*

**D**omum tuam Domine decet sanctitudo in longitudinem dierum. *Ps. Dominus regnavit, cum rel. de Dñica.*

*Añã.* Domus mea, Domus orationis vocabitur: in eam omnis qui petit, accipit; & qui querit, invenit; & pulsanti aperietur.

*Añã.* Propter Domum Domini Dei nostri quaesivi bona tibi.

*Añã.* Dñe. Deus exaltasti super terram habitationem meam.

*Añã.* Domum majestatis meæ, & locum pedum meorum glorificabo.

Capitul. Eccl. 24.

**I**N omnibus requiem quaesi-  
vi, & in hereditate Domini  
morabor. Tunc praecepit, &  
dixit mihi Creator omnium:  
& qui creavit me, requievit in  
tabernaculo meo.

*Hymnus.*

**A**Lto ex olympi vertice  
Summi Parentis Filius  
Ceu monte defectus lapis,  
Terras in imas decidens,  
Domus supernae & infimae,  
Utrumque junxit angulum.  
Sed illa sedes Caelitum  
Semper resultat laudibus,  
Deumque Trinum, & Unicum  
Jugi canore praedicat:  
Illi canentes jungimur  
Almae Sionis aemuli.  
Haec templa, Rex Caelestium,  
Imple benigno lumine:  
Huc orogatus adveni,  
Plebisque vota suscipe,  
Et nostra corda jugiter  
Perfunde caeli gratia.  
Hic impetrent Fidelium  
Voces, precesque supplicum  
Domus beatæ munera,  
Patrisque donis gaudeant;  
Donec soluti corpore  
Sedes beatas impleant.  
Decus Parenti debitum  
Sit usquequaque Altissimo,  
Natoque Patris unico,  
Et inelyto Paraclito,  
Cui laus, potestas, gloria  
Aeterna sit per saecula. Amen.  
¶ Introibimus in tabernacu-  
lum ejus,

255  
¶ Adorabimus in loco, ubi  
steterunt pedes ejus.

*Ad Benedictus. Añã.*

Ecce tabernaculum Dei cum  
hominibus, & habitabit cum  
eis, & ipsi populus ejus erunt,  
& ipse Deus cum eis erit eo-  
rum Deus.

ORATIO.

**D**Eus, qui B. Mariae Virgi-  
nis Domum, &c. *ut supra.*  
*Ad Prim. in ¶. brev. dicitur.*

¶ Qui natus es de Maria  
Virgine.

*Ad Tertiam. Añã.*

Domus mea. *Cap. In omni-*  
*bus requiem quaesivi, ut supra.*

¶ *brev. Hic Domus Dei est.*  
\* Et porta Caeli. Hic Domus.

¶ Et vocabitur Aula Dei. Et  
porta. Gloria Patri. Hic Do-  
mus. ¶ Domine dilexi deco-  
rem Domus tuae. ¶ Et locum  
habitationis gloriae tuae.

*Ad Sextam. Añã.*

Propter Domum Domini.

*Capitul. Eccl. 24. b.*

**E**T sic in Sion firmata sum,  
& in civitate sanctificata  
similiter quiescevi, & in Jerusa-  
lem potestas mea. Et radicavi  
in populo honorificato, & in  
parte Dei mei hereditas illius,  
& in plenitudine sanctorum  
detentio mea.

¶ *brev. Domine. \* Dilexi dec-*  
*orem Domus tuae. Domine.*  
¶ Et locum habitationis glo-  
riae tuae. Dilexi. Gloria Patri.  
Domine. ¶ Domum tuam  
Do-

Domine decet sanctitudo.  
 ꝛ. In longitudinem dierum.

*Ad Nonam.*

*Ana.* Domum majestatis tuæ.

*Capitul. Eccl. 24. b*

**I**N plateis sicut cinnamomum, & balsamum aromatizans odorem dedi: quasi myrrha electa dedi suavitatem odoris.

ꝛ. br. Domum tuam Domine. \* Decet sanctitudo. Domum tuam. ꝛ. In longitudinem dierum. Decet sancti-

tudo. Gloria Patri. Domum tuam.

ꝛ. Hic Domus Dei, & Porta Cæli. ꝛ. Et vocabitur Aula Dei.

*In secundis Vesperis, omnia ut in primis.*

*Ad Magnificat.*

*Ana.* O quam metuendus est locus iste! Verè non est hic aliud, nisi Domus Dei, & Porta Cæli.

*Oratio, ut supra.*

## HISPANIARUM.

**A**D pias Serenissimi Regis Catholici preces per Emum. & Rmum. D. Card. Bentivolum SS. D. N. porrectas, quibus pro extensione Offic. prop. & Missæ Translationis Alma Domus Lauretana ad omnia Regna, & Dominia Serenissimo Regi Catholico subjecta supplicatum fuit; Sanctitas Sua petitum Offic. prout in tota Prov. Picena peragitur, singulis annis die x. Decembris ab omnibus Ecclesiast. tam Sæcularibus, quam Regularibus utriusque sexus in omnibus Regnis, & Dominiis Serenissimi Regis Catholici sub ritu duplici recitari, & Missam respectivè celebrari debere benignè indulset, atque concessit. Die x. Novembris 1729.

*Ita reperitur in Registris Decret. Congr. Sacror. Rit. in fidem.*

Loco ✕ Sigilli,

*N. M. Tedeschi Archiep. Apam.  
 Secret.*